

Efnislína: Nánari upplýsingar um heildarúttekt í Flataskóla

Ágætu forráðamenn,

Þessi tölvupóstur er liður í upplýsingagjöf til forráðamanna í Flataskóla, til að koma á framfæri upplýsingum um framvindu vinnu vegna rakaskemmda í Flataskóla.

- [Bréf til forráðamanna 8. desember 2022](#)
- [Bréf til forráðamanna 19. desember 2022](#)

Í tölvupósti sem sendur var í desember síðastliðnum kom meðal annars fram að verkfræðistofan Mannvit hefur hafið heildarúttekt á húsnæði Flataskóla. Þetta er liður í því að gæta að öryggi starfsfólks og nemenda. Úttektin hófst 22. desember síðastliðinn en Mannvit hefur fylgt málefnum skólans eftir síðan árið 2021.

Í dag var DNA-sýnatökum lokið í Flataskóla á þeim svæðum sem ekki náðist að klára í desember vegna skorts á sýnatökupinum. Þegar hafa verið tekin DNA-ryksýni og efnissýni úr skólanum og send til greiningar. Sýnataka nær til nánast allra rýma innan skólans. Á grundvelli hennar verður hægt að ráðast í endurbætur á húsnæðinu þar sem þörf er á. Búast má við að niðurstöður liggi fyrir um það bil 4-5 vikum eftir sýnatöku.

Líkt og forráðamenn hafa verið upplýstir um vinnur Garðabær samkvæmt [ákveðnu verklagi](#) en Mannvit heldur utan um greiningar og aðgerðaráætlun fyrir skólann. Samkvæmt því er mál Flataskóla státt í öðru þrepi verklagsins og búist er við að hægt verði að virkja aðgerðaráætlun um framkvæmdir á afmörkuðum svæðum þar sem vitað er um skemmdir sem fyrst.

Samkvæmt verklagi bæjarins hefur verið gripið til eftirfarandi úrræða:

- Rými frístundaheimilisins Krakkakots í Flataskóla hefur verið lokað og starfsemi Krakkakots færð innan skólans.
- Tveimur kennslustofum hjá 4. og 6. árgöngum skólans hefur verið lokað og nemendur færðir í önnur rými.
- Tveimur kennslustofum sem Tónlistarskóli Garðabæjar hefur haft til afnota hefur verið lokað og kennsla færð innan skólans.
- Öll rými húsnæðisins hafa verið ítarlega skoðuð til að meta hvort rakavandamál séu til staðar og sýni tekin þar sem þörf er talin á út frá niðurstöðum rakamælinga og ábendinga. Einnig hefur verið farið í nánari skoðun og sýnatöku þar sem vísbendingar um gró greindist í ryksýnum og efnissýni tekin þar sem áður hafði greinst örveruvöxtur til meta umfang mengunar.

- Ítarleg hreinsun hefur verið framkvæmd á innanstokksmunum og búnaði sem var staðsettur í menguðum rýmum. Lagt var áhersla á að byrja að hreinsa alla innanstokksmuni og búnað sem skólinn þurfti að nota til að halda áfram kennslu. Hreinsunin var framkvæmd af reynslumiklum fagaðilum.

Næstu skref samkvæmt verklaginu:

- Beðið er eftir endanlegum niðurstöðum sýnatöku og þá verður hægt að leggja heildarmat á ástand skólans og í kjölfarið ráðast í endurbætur þar sem þörf er á.. Ef til þess kemur verður afmörkuðum svæðum lokað með loftþéttri lokun á meðan viðgerðir standa yfir.
- Víðtækar hreingerningar verða framkvæmdar strax eftir lagfæringar ásamt hreinsun loftræstikerfis
- Að lokum mun Mannvit sjá um eftirfylgni sýnataka fer aftur fram eftir 2-3 mánuði eftir að viðgerðum er lokið.

[Við minnum á upplýsingasíðuna](#) og að forráðamenn verða áfram upplýstir um stöðu mála í tölvupósti en einnig er velkomið að hafa samband ef spurningar vakna er varða skólahald eða aðgerðir sem verður farið í á skólahúsnæðinu.

Upplýsingar veita:

Ágúst Frímann Jakobsson, skólastjóri, agustja@gardabaer.is

Edda Björg Sigurðardóttir, deildarstjóri grunn- og tónlistarskóla, eddabsig@gardabaer.is

Guðbjörg Brá Gísladóttir, sviðsstjóri umhverfissviðs, gudbjorgbra@gardabaer.is